



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1687.

urn:nbn:de:hbz:466:1-29436

attributum Caroli nomen, & agnomen Ducis Bituricensium. Sub idem tempus Regiam aulam nova lætitia cumulavit Oratorum Siamensium adyentus, qui Regi Ludovico exhibiti non solùm ei potentissimi Regis amicitiam & fœdera sponponderunt, sed etiam liberalibus eum donis, regiamque familiam honestaverunt.

ANNUS 1687.

Mense Januario solenni pompâ Romam ingressus est Castelmènius Comes, Jacobi Anglorum Regis nomine, Orator ejus & Catholicorum, qui in eodem regno versabantur, Innocentio Romano Pontifici obedientiam & obsequia protestaturus. Dicitur vix potest, quam piis motibus, quamque festivis glausibus excepta hæc legatio ab optimo Pontifice, totaque aula Pontificia, quæ inde sperabat, propediem inter Romanam Ecclesiam, & regnum Anglicanum ea fœdera instauratum iri, quæ tanta utriusque gloria quondam viguerant.

Alius fuit Romæ sensus in ingressu Henrici Caroli Marchionis Lavardini Regis Ludovici ad Pontificem Oratoris, quem in urbem habuit solennem 1 Decemb. eodem anno, stipatus fere ducentis armatis, absque
 pro-

miscua Tibicinum, Epheborum, Familiarum, equorum, rhedarum, curruum, & impedimentorum multitudine, quæ pene exercitum referebat; apparatus tanto occasionem præbuit constans voluntas Pontificis abolendi Oratorum asyla, seu *Franchigias*, ut vocant, *Quarteriorum*, quæ videbatur Lavardinus tueri velle; frustra proinde à Pontifice audiri petiit, minisque & precibus egit, ut velut Orator haberetur, alto ubique silentio exceptus ab iis Innocentii Ministris, quos eapropter convenit. Quin etiam publico interdicto devota Ecclesia S. Ludovici, in quam festis Natalitiis Christi se Orator contulerat devotionis gratiâ.

Novo animorum & armorum fœdere juncti Lotharingiæ & Bavariæ Duces exercitum Cæsareum ad nova Turcis damna inferenda hoc anno deduxere in Hungariam, Primo sui adventu ejecere statim Barbaros Dardâ; insigni paulò post clade attriverunt inter Siclosium & Mohazium, elueruntque satis maculam illam sanguineam, quam olim eodem in loco deletò cum copiis Ludovico Rege Hungariæ fecit Solymannus.

Post victoriam ducta pars copiarum sub Duce Lotharingiæ in Translyaniam, & ar-

matris argumentis setiò explorata fides tam dubia quam periculosa Abaffii Principis ; quibus id etiam effectum , ut brevi integra Provincia affereretur Casari, belli tam pretiosi dispendia suâ Symbolâ egregiè compensatura. Dum interim Orovitza Posega, Palota, Esseckium, Walpo, aliæque tum in Hungaria, tum in Sclavonia urbes sese reliqui exercitûs Ductoribus solo victricis fortunæ timore percussæ submittebant.

Coronavit hujus anni victorias Agrida sive Erla, quæ integro licet murorum & munitamentorum ambitu valens , urgente tamen fame , ad deditiorem compulsa est mense Decembri.

Mense eodem Corona Hungariæ, jure non electionis, sed acquisitionis, & proinde hæreditario ad nepotes Austriacos transmittenda, imposita est Posonii ab Archiepiscopo Strigoniensi *Iosepho Leopoldi* primogenito, eo omni, & maximè solenni ritu, quo prisca Pannonum Reges, etiam dum maximè res flourerent, inaugurari consueverant.

Mense Julio Morosinus classis Venetæ Præfectus excensione facta in Peloponneso primo impetu aggressus Patras, fugatòque Seraskirio, qui urbi suppetias inferre destinabat,

nabat,

nabat, mox deditioe accepit. Inde delatus in sinum Corinthiacum utraq̄ue arce, & urbe Naupacto nullo negotio est potitus, fugientibus undique Turcis, antequam obsidione premerentur.

Priedie idus Augusti cessit in potestatem Morosini Corinthus flammis priusdata à Barbaris, quam secuta est post tentatam inutili displensione Malvasiam arx Atheniensis, cujus praesidiarii sexcenti vix incolumē vitam à victoribus exorârunt.

In Dalmatia armis victricis Reipublicæ post toleratam dierum 30 obsidionem caput submitit *Castelno*, hostilisque exercitus semel ac iterum fortiter repressus.

Constantinopoli gravis coorta seditio adversus Sultanum Mehemetem, & magnis clamoribus ab eo expetita capita Vezirii, aliorumque aulae ministrorum, quorum auspiciis restam improspere acta, quæ demeti illico Barbarus jussit, ut placaret furorem seditiosorum; qui tamen non quieverunt, cum ipse Mehemetes publicâ exauthoratione solio exturbatus, carcerique addictus esset. In ejus locum ineunte Novembri susceptus Solimannus IV.

Lobkowitzius Abligatus Cæsareus fru-

stra aulae Parisiensi excusare nititur foedus Augustanum, quod sibi velut infensum, & minax omnino abolitum voluit Rex Christianissimus.

ANNUS 1688.

HOc anno Innocentio Pontifici cum epistolis & muneribus à Siamensi Rege ad eum destinatis sese stiterunt tres Oratores Gentiles, qui Principis Ethnici nomine amplitudinis & sanctitatis famam sunt gratulati. His mutuo officio respondit Innocentius, legatosque omnibus singularis benevolentiae argumentis à suis tractari voluit.

Mense Januario Mungazium arx munitissima in finibus Hungariae & Transylvaniae tandem post longam obsidionem latam Caesari dedit Teckelii uxor.

Mense Majo simili obsidione fatigati Turcae Albae Regalis in Hungaria inferiore Praesidarii, & ad extremum inediae & famis adducti urbem Caesarianis concesserunt.

Lippia expugnatur à Caraffa, captis, caesisque bis mille Praesidiariis Turcis mense Junio, Castanovizza, Gradisca, aliaque oppida & arces, quae vel ad Savum, ad vel Unnam erant potestatis Turcae, capiuntur
 1688 H mense